

اِسْتِغْنَا

نومرو ۱۶

بجانبہ

۱ کانون ثانی ۱۳۲۴

آراسنده هیچ بر فرق کوریلیمور . قوانین جزاییه ده مندرج مجازاتک مجرم
کبی کوزوکن بر شخصه تطبیق ایله افراد سائر بشریه به اظهار عبرت ایدلمسی
کافی عد و اعتبار اولنیور و بوصورتله اجرای تهدید ایله تأمین عدالت ایدیلیور
و معصومیت و مجرمیت مسأله سی نظراعتباره آئینه جفته کوره دائماً محکومیت جهتنه
کیدله رک جمعیت بشریه نک مدافعه سنه خدمت ایدلمش ظنی ده تولد ایدیور .
اون سکزنچی عصر مؤلفلری طرفندن علی العمیا قبول ایدیلن اشبو نظریه اک
زیاده « لوق » نزدنده مظهر رغبت اولمشدر ، هر نه قدر ژان ژاق روصو
Jean Jacques Rousseau ده بونظریه ، طرفدار بولنش ایسه ده بطلانی ثابت
اولدینی جهتنه بوخصوصه ده ایلری کیده مامشدر . حق مجازاتک منافع
عمومیه اساسه مستند اولدینی کبی مدافعه مشروعه اساسنده استناد ایلمدیکی
کلفه اثباتدن وارسته بر کیفیت بولندینی ظاهر و آشکاردر . مقاله آیه مزده
مجرمک برنوع خسته اولدینی فکرکنده بولنان دوکتور غالک « Docteur Gall »
بویابده کی نظریاتی موضوع بحث ایده جکزر .

سعاد مختار

هوسکاران دیپلوماسی به

بوسر لوحه التنده محترم قارئلر مزک انظار مطالعه سنه وضع ایده کلدیکم
مقاله لک مقداری بونکله درده بالغ اولیوز . او یله ایکن اساساً مسلک دیپلوماسی به
عاند ملاحظاته هنوز کیریشله مدی . یتیم بومقاله نی بووادی به بر مقدمه یاتقی ایدی ،
فقط مقالات سالفه نک هیچ بردکری اولمدینی حالد اورویا به کیتیمک فکر نیتنده
بولنان کنجیلر نزدنده مظهر اولدینی حسن قبول نی بوکونده بعض ایضاحات
عمومیه اعطاسنه سوق ایدیور :

بوکونه قدر جمعیتلرده ، ضیافتلرده بالورده قلوبلرده طولاشدق . آرتق
اورویا آداب وعاداسنه آرزوق وافقز . بووقوف اورویا عالملریزک صفحات
سائر سنده ده بزه رهبرک ایده بیلور . هله او یاق ومدقق بر ذات مبحثلر مزده

ذکری کچمین احوالی کور کوسی سایه‌سندہ حسن اداره ایدر . بونکله برابر بعض معلومات متممہ علاوہ سی بکده زائد دکلدر : از جمله معارفہ پیدا استدیگمز عالہلرک ایام مخصوصہ سی مناسبتیلہ نہ یولده طاورانلق لازمکلیکنی براز ایضاح ایتک استرم . معلومدرکہ فرنکلرک اک عادی عالہلرینہ وارنجہ بقدر ہر فردک اسم وولادت کونلری مضبوطدر . بوایام مخصوصہ ہر عالہ ایچندہ برمسرت کونیدر . اقربا و تہنات ایلہ برابر اودا واحبا دخی بیان تبریکات ایدرلر ، حتی ہدیہلر کتوردرلر . اینی کورشدیکمز ، حسن قبولنہ ، مسافر پرورلیکنہ مظهر اولدیغمز برعالہیہ بوکی مناسبتلرلہ اظہار ایدیہلرک جمیلہلر داغما خوشہ کیدر . «تہادوا ، تحابوا» قول شریفنک معادلی اولہرق فرانسزجہ دخی «کوچک ہدیہلر ادامہ موالانہ وسیلہ اولور» . مآلندہ برضرب مثل واردر . مع هذا بوخصوصہ افراطہ وارماملیدر ؛ راست کلدیکمز عالہیہ ہدیہ کتورمک اویہ میہ جفی کی بوہدیہلرک خصوصیتی دہ غائب ایدہ جکندن بیہودہ اسرافدن بشقہ برنتیجہ حاصل ایتمز ؛ مسلکداشلرمدن اینی یورکلی برذات بودقیقہ واقف اولمیفندن می ، یوقسہ بر فوق العادہلک ایتک استدیکنندن میدر نہدر . بریل باشی استانبولدن کلی لقوم کتیرتمش ، ہرکسہ قوطی قوطی طاغتمشیدی . واقعا بو برزاکت اثری ایدی . . مع التأسف ہر یردہ تقدیر ایدلمدی . اولدجقہ قبل و قالی موجب اولدی ایدی . بنابرین تقدیم ہدایادہ افراطدن صاقلملیدر . پک صمیمی کورشدیکمز ، خانہ سنہ اکثریا کیروب چیقدیغمز عالہلرہ حصر جمیلہ ایتلی یزہ ویریلان ہدیہلرک انتخابدہدہ محویت کوسترمیلیدر . «آزورین جاندن ویرر» دیرلر . پک زنکین برعالہیہ نہ کتورسہ کر قیمتی اعتباریلہ مظهر حسن قبول اولمز ؛ اورتہ حالی برعالہ ایسہ قیمتدار برتحفہ ایلہ محجوب حتی فدا کارانی مستلزم برمقابلہیہ مجبور ایدلمش اولور . بودہ البت خوش برحال دکلدر . علی الاکثر ویریلن ہدیہلر اوصاحبہلرینہ کوزل برچیچک دمتندن عبارت قالیر . قادینلر اک زیادہ بوکی ہدیہلردن خوشلانیرلر ، بونلری مقام تفاخر دہ سالونلرندہ تشہیر ایدرلر .

بزم کبی شرفیلیر ایسه لقوم ایشلمه کبی مملکت مزه مخصوص معمولات نادیده
ویرلرله آز مصرفله مقبوله کچه جک هدیه لر ویرمن اولور . هر حالده بوکبی
مناسبتلرده هیچ اولمزسه بیان تبریک اتمک صورتیله لازمه نراکتی ایفا ایده بیلیمک
ایچون انشظام پرور برکنج اسم وولادت کونلرینی اوکرندیکی زواتک اسمایینی
بردقتر مخصوصنه قید اتملی و بوکا هفته ده برکره اولسون مراجعت ایتلیدر .
یولازمه خانه لرنده اکثریا مسافرتده بولندیغمز عائله له قارشو واجب الادا بر دین
حکمنه بکر . فکرمی براز دها توسیع وتوضیح ایدیم : اورویا کبار عائله لری
میاننده جاری عادتدن بریده صمیمی کورشدکلی ذواته «سفره لرند کندی لری
ایچون دایما بر مخصوص بولندینی» یولنده افاده سیله بر اثر مخادنت ابراز ایدر .
بو حال مناسبات دوستانه ک مرتبه قصوانی اولق اوزره توصیف ایده بیلورز .
فی الحقیقه برعائله ک سفره سینه بلادعوت واولجه خبر ویرمکسزین کتمکده
خیر اولق ، وکتمک قدر لالابی برمعامله تصور اولنه بیلورمی ؛ واقعا بویه
بردعوتده بولان برعائله هر وقت مسافرینه رعایته قادر وقادر اولدینی ایچون
اوله بردعوت عمومیه ده بولنورسده بونک وقوعی هر حالده اومسافردن
چکنلمدیکنی اضمن ایدر بر اثر مولاتدر بونک قیمتتی بویه جه تقدیر ایتلیدر . باد هوا
قارن طوبوره جق بر سفره وارديه اوسفره یه مداومتی «کاسه لیس» لک درجه سینه
واردر ماق اقتضا ایده جکنی بیانه حاجت یوقدر هله مأمور اولان برکسه نک
بویه صیغنتلیغه تنزل اتمی خئیتنه یاقیشمه یه جفی کبی مداومت ایلدیکی خانه
دول اجنبیه مأمورلرندن برینه عائد بولنورسه کونا کون قیل وقللری ده موجب
اولور ،

بوندماعدا صاحب خانه نک یا بالذات ویا افراد عائله سندن برینک راحتسز
بولنوبده مسافری ایله صحبت هروقت امکان بولنمه یه جفی ده نظر دقتدن دور
طوتمالیدر . قالدی که هر زمان کشاده بر سفره مسافرینکده او صاحب لرینه قارشو
مقابله بعض «دیون خاطر نوازیسی» واردر . متأهل اولمیانلر کرچه ضیافت ترتیب
وکشیده سینه بورجلی دکل ایسه لرده بک لالابی کوروشیلن عائله لرله مراسم

يك او قدر رعایتہ حاجت یوقدر . « فلان لوقطه نك موقعی يك فرح فزا ،
 یمكاری ده فنا دكل ، بر دفعه ده اوراده طعام ایتمهك » بوللو مقدمه لرله اوراده
 بر ضیافتچك ویره رك مقابله ده بولنه بیله چكی كی مثلا مداوم بولندیغمز قلوب
 اعضاسنك بینلرنده بر مسامره ترتیب ایتملرندن ، و بناء علیه عائله لر كده او زمان
 قلوبه كملرندن بالاستفاده بونجه ضیافتلره مقابله بر دعوت ده بولنق ده ممكندر .
 لابلای كورشدیكمز بر عائله نی ویا عائله لری تیآرو موسمی انساننده هیچ اولمزسه
 بر دفعه تیآروده بر لوجه طومق ، و تیآرودن چیقنجه بر « صوبه » ترتیب ایتمك
 صورتلریله ده وجیه مقابله ادا ایدیلور ، و ایدیلیدر . صانیرمكه بو تفصیلات یتره
 یوقاروده ده سویلدیكم وجهله بختمز خارچنده بر اقلمش اولان احوالك حسن
 اداره سی اورویا عالمیرینه كیره چك كنجلر مذك ذكا و عرفانه محولدر .

محمد صالح

مدخل حقوق دول

احمد صلاح الدین بكك مدخل حقوق دول نام اثر عاجزانه م حقه ده کی مقاله
 انتقادیه لرینه دأربعض مطالعاتی حاوی استشاریه درج بیوریلان مقاله عاجزانه مده
 مشاهده ایندكاری دیگر نواقصی دخی ارابه ایلمه لرینی مومی الپیدن رجا ایتمش
 ایدم ، اشبو رجای قبول ایله مفصل بر مقاله تحریرینه همت بیورمشلر دركه بونك
 ایچون دخی كندیلرینه تشكر ایدر و بوباده وارد حاضر اولان بعض مطالعاتی
 علاوه ایلرم .

آنحق اول امرده استشاره اداره علیه سیله مقاله عاجزانه م یازدقاری سرلوحه ده
 مندرج « محمود اسعد افندیدن وارد اولان مقاله جوابیه بی بیطرفلغ مزه مینی بونسخه یه
 قویوروز » فقره سی حقه ده بر حسب حال ایتمك استعمال بیوریلان « بیطرفلغ مزه مینی »
 تعبیری مقامه موافق بوله مادیغمی بیان ایلمك استرم . چونكه بو تعبیر عاجز لرینك
 هیئت محترمه لرندن خارج عد ایدلدیكمی و مقاله مذکورم احمد صلاح الدین بكك
 اعتراضاته قارشو مدافعه مقصیده یازلدیغنی اشراب ایدیور ؛ حالوكه كندی می